

儒官喬象萃妻郭氏夫歿撫二子入庠

以上見縣志

國朝

傅作舟妻郝氏夫歿異鄉氏扶襯歸墓守節教子而師年十七舉於鄉

裴耀宗妻張氏夫歿守節順治十一年旌 靳爾順妻田氏十九夫亡自刎殉節

庠生傅欽妻劉氏二十寡撫妾子無異已出氏卒日子孫四世俱列庠守節五十三年雍正八年旌

趙毛兒妻劉氏毛兒繼母係再醮有前夫子窺氏少艾欲辱之氏堅節不從被勒死雍正九年旌

貢生張爾穀妻高氏妾楊氏二十夫亡撫妾遺腹子鑄入庠歲薦高守節四十二年楊守節

四十五年雍正十一年旌

謝振邦妻李氏明末振邦罵賊不屈被賊剖腹死氏抱土掩屍賊欲脇之去氏以頭觸柱血流濺衣賊知

河南府志 卷之五十三 人物志 三 六

不可奪乃捨去氏截髮塗面撫二子成完節課諸孫皆成名登賢書者二人苦節六十二年雍正十二年旌

耿耽妻孫氏夫歿事親訓子雍正十二年旌

以上見王通志

生員傅又鈗妻楊氏夫亡撫孤宗明成立宗明死撫孫孫亡撫曾孫歷節六十餘年

生員傅楨妻耿氏撫孤燹所成立燹娶韓所娶孟二子亡韓孟守節與姑同

何鎬妻高氏夫歿撫遺腹子授室日可報夫子於地下矣遂絕粒死

知州高知妻韓氏夫卒於官氏扶柩携孤歸教子成立長一龍入庠次一麟列明經

梁家蘭妻宋氏年二十夫故子胡國柱妻張氏夫亡撫子定清入庠以壽終

生員傅承命妻趙氏夫亡孝孀姑教子煒由貢生授訓導

生員劉養廉妻傅氏二十寡子印璜方七月撫之入庠